



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Communal Economy and
Infrastructure**

Broj: 27/01-05-33063-112/19 KB
Sarajevo, 07.11.2019.godine

SKUPŠTINA KANTONA SARAJEVO

N/r: Predsjedavajući Skupštine

- Ovdje -

Predmet: Odgovor na zastupničko pitanje zastupnice Neire Dizdarević – dostavlja se

Zastupnica Neira Dizdarević ns 13. Radnoj sjednici Skupštine Kantona Sarajevo, održanoj dana 25.09.2019.godine, u okviru tačke Dnevnog reda „Poslanička/zastupnička pitanja, inicijativa i odgovori“, a u skladu sa članom 211. i 214. Poslovnika Skupštine Kantona Sarajevo postavila je zastupničko pitanje:

„Zašto KJKP VIK ne želi preuzeti upravljanje nad pojedinim lokalnim vodovima, a pitanje za sve jedinice lokalne samouprave da me obavijeste za koje lokalne vodovode su se obraćali KJKP VIK u vezi sa preuzimanjem upravljanja, te da mi dostave kopije dokumenata koji o tome govore.“

ODGOVOR:

Pitanje vodosnabdijevanja stanovništva i drugih potrošača je riješeno kroz Zakon o vodama Kantona Sarajevo („Službene novine Kantona Sarajevo“, broj: 18/10 i 43/16), a na osnovu Zakona o vodama FBiH („Službene novine FBiH“, broj: 70/06) kao osnovnog zakona, a sve u skladu sa EU Ditektivom o vodama 2000/60/EZ. U **Članu 2. Zakona o vodama Kantona Sarajevo je utvrđeno:**

„Svrha ovog Zakona je osiguranje upravljanja vodama s ciljem: f) izgradnje, zaštite, korištenja, održavanja i upravljanja kantonalnim, općinskim, grupnim i lokalnim vodnim objektima za vodosnabdijevanje i druga pitanja iz nadležnosti Kantona.“ Također, **Članom 11. (Odluke za upravljanje vodnim objektima) je utvrđeno:** „Upravljanje vodnim objektima iz člana 14. Osnovnog zakona, u smislu ovog Zakona, čini skup odluka, aktivnosti i mjera čija je svrha da se izgrađeni vodni objekti održavaju u funkcionalnom stanju i koriste u skladu sa njihovom prirodom i namjenom, da se čuvaju od slučajnog ili namjernog oštećenja ili uništenja, izmjenjuju, rekonstruišu i grade u skladu sa potrebama, planovima i mogućnostima Kantona, Grada, općina i drugih pravnih lica i fizičkih lica.“ Također, **Članom 17. Osnovnog zakona o vodama je utvrđeno da:** „(1) Vodni objekti iz članka 14. stavak 1. točka 3. alineja 1. i točka 4. ovoga zakona u vlasništvu su općine ili grada, ukoliko kantonalnim propisom nije drukčije određeno.

(2) Vlasnici vodnih objekata iz stavka 1. ovoga članka pravo upravljanja i korišćenja mogu prenijeti na pravne osobe ustanovljene prema propisima o komunalnoj djelatnosti.“



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

Dalje, u **Članu 12. Zakona o vodama kantona Sarajevo** se navodi:
Pored objekata za iskorištavanje voda iz člana 14. stav (1) tačka 3. alineja 1) Osnovnog zakona pod vodnim objektima za vodosnabdijevanje u smislu ovog Zakona smatraju se i:
a) **kantonalni vodni objekti za vodosnabdijevanje;** → Član 13. Ovog zakona daje definiciju
b) **općinski vodni objekti za vodosnabdijevanje;** → Član 14. Ovog zakona daje definiciju
c) **grupni vodni objekti za vodosnabdijevanje;** → Član 15 - Član 17. Ovog zakona daje definiciju
d) **lokalni vodni objekti za vodosnabdijevanje.** → Član 18. Ovog zakona daje definiciju

Radi pojašnjenja i primjera, navodimo **Član 14. (Općinski objekti za vodosnabdijevanje):**
„(1) Vodni objekti za vodosnabdijevanje potrošača u općinama koji su izgrađeni sredstvima općina (u daljem tekstu: **općinski vodovodi**), a koji nisu priključeni na međukantonalni ili kantonalni vodovod, su u isključivom ili pretežnom vlasništvu općine.

(2) Cijena vode koja se isporučuje potrošačima iz općinskog vodovoda predstavlja ekonomsku cijenu isporučene vode utvrđenu posebnim propisima općine.“

Kako je naprijed navedeno, član 17. stav (2) Osnovnog Zakona, vlasnici vodnih objekata za vodosnabdijevanje, mogu pravo upravljanja i korištenja prenijeti na pravne osobe ustanovljene **Zakonom o komunalnim djelatnostima Kantona Sarajevo** ("Sl. novine Kantona Sarajevo", br. 14/16, 43/16, 10/17 - ispr., 19/17, 20/18 i 22/19), kojim je **Članom 7.** utvrđeno da **Kanton obezbjeđuje obavljanje slijedećih komunalnih djelatnosti:**

- a) snabdijevanje pitkom vodom putem **centralnog vodovodnog sistema;**
- b) odvođenje i prečišćavanje otpadnih voda putem **centralnog kanalizacionog sistema;**

Također, kako je utvrđeno **Članom 9.** (Obezbjeđenje komunalne djelatnosti od strane Grada i općina)
(1) Grad i općine u njegovom sastavu, kao i općine koje nisu u sastavu Grada, u okviru svog samoupravnog djelokruga, obezbjeđuju obavljanje slijedećih komunalnih djelatnosti:

- a) snabdijevanje pitkom vodom iz vodovoda lokalnog značaja;
- b) odvođenje i prečišćavanje otpadnih voda kanalizacijom lokalnog značaja, **te crpljenje, odvoz, zbrinjavanje fekalija iz septičkih jama;** kao i **Član 10.** (Davaoci komunalnih usluga)

(1) **Kanton, Grad i općine,** u skladu sa utvrđenim nadležnostima u čl. 7., 8. i 9. ovog zakona, obezbjeđuju obavljanje komunalnih djelatnosti putem:

- a) javnog preduzeća komunalnih djelatnosti;
- b) privrednog društva.

Dalje, u smislu provodivosti Zakona o komunalnim djelatnostima Kantona Sarajevo ("Službene novine Kantona Sarajevo", broj 14/16), na osnovu člana 50., Vlada Kantona Sarajevo je donijela **Uredbu o opštim uslovima za snabdijevanje vodom za piće, obradu i odvođenje otpadnih i atmosferskih voda** ("Službene novine Kantona Sarajevo", broj: 22/16).

U Uredbi je precizirano: **Član 4. (Nadležnost Kantona, Grada i općina)**

"Kanton, Grad i općine imaju obavezu da, u okviru svojih nadležnosti osiguraju uredno snabdijevanje vodom za piće, odvođenje otpadnih voda, prečišćavanje otpadnih voda i atmosferskih voda, prema postojećim propisima."

i **Član 5. (Finansiranje centralnog vodovodnog i kanalizacionog sistema)**

"**Građenje objekata centralnog vodovodnog i kanalizacionog sistema finansira se iz:**

- a) naknada koje se naplaćuju po propisima o prostornom uređenju i građevinskom zemljištu,
- b) budžeta Kantona, Grada ili općine,
- c) iz donacija,
- d) i drugih izvora utvrđenih posebnim propisima."



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

U cilju pravilne identifikacije nadležnosti, dalje navodimo :

Član 14. (Posebni vodovodi)

“Posebni vodovodi su samostalni objekti, postrojenja, oprema i vodovodna mreža, sa vlastitim zahvatom vode, koji služi za snabdijevanje vodom pojedinih lokaliteta, a koji se iz tehničkih ili drugih razloga ne mogu priključiti na centralni vodovodni sistem, te nisu u nadležnosti davaoca usluge.”

i Član 15. (Obaveze korisnika posebnih vodovoda)

“(1) Korisnici vode iz posebnih vodovoda moraju se priključiti na centralni vodovodni sistem nakon njegove izgradnje.

(2) Prilikom priključenja na centralni vodovodni sistem, korisnik posebnog vodovoda je dužan postojeće objekte, postrojenja, opremu i mrežu posebnog vodovoda staviti van funkcije.

(3) Nakon priključenja na centralni vodovodni sistem zabranjeno je korištenje vode iz posebnog vodovoda.”

ZAKLJUČAK PO PITANJU:

Preduzeće KJKP“Vodovod i kanalizacija” d.o.o. Sarajevo je nadležno za upravljanje i održavanje **centralnog vodovodnog i centralnog kanalizacionog sistema**, kao i postrojenja za prečišćavanje otpadnih komunalnih voda u Butilama – PPOV Butile, a što je utvrđeno, pored navedenih propisa, i prostorno-planskom dokumentacijom Kantona Sarajevo. Svi objekti koji su građeni u skladu sa navedenim propisima, kao i prostorno-planskom dokumentacijom, priključuju se na odgovarajući, to jest projektovani vodovodni i kanalizacioni sistem. **To ne znači “a priori” da to moraju biti centralni sistemi vodovoda i kanalizacije.**


KJKP“ViK” nije u obavezi, niti je kadrovski i materijalno osposobljen, da preuzima na upravljanje bilo koji sistem kojim se isporučuju vodne usluge a koji nije napravljen u skladu sa naprijed navedenim, odnosno, koji nisu definisani kao centralni sistemi. Navešćemo kao primjer **vodovodni sistem Nahorevo** koji je izgrađen kao **lokalni vodovod** i za koji **ne postoje tehničke mogućnosti da bude priključen na centralni vodovodni sistem, u skladu sa naprijed navedenim propisima**, čime ne postoji zakonski osnov da bude preuzet od strane KJKP“ViK” d.o.o. Sarajevo. Zapravo, u slučaju preuzimanja ovog sistema potrošačima se mora isporučivati voda iz centralnog vodovoda a postojeće izvorište za **vodovodni sistem Nahorevo** se mora isključiti iz sistema “centralnog vodosnabdijevanja”. Ista situacija je i sa svim drugim vodovodnim ili kanalizacionim sistemima koji su građeni **izvan kategorije centralni vodovodni ili centralni kanalizacioni sistem**.

Shodno navedenom, KJKP“ViK” d.o.o. Sarajevo ne samo da nije u obavezi da postupa po zahtjevima jedinica lokalne samouprave, nego bi prekršio zakonske i druge propise kojima se obezbjeđuje kako pogonska sigurnost i održivost navedenih sistema, tako i sigurnosni aspekt isporuke vode, odvodnje i prečišćavanja. Ovo pogotovo treba razumjeti u kontekstu ekstremne bespravne gradnje na području Kantona, sa procjenom od oko cca 40.000 bespravnih objekata, čime je narušena održivost urbane cjeline Sarajeva i kompletne infrastrukture, između ostalog i u sferi isporuke vodnih usluga.

S poštovanjem,

Dostavljeno:

1. Naslovu, 2x
2. Vlada Kantona Sarajevo, na znanje,
3. KJKP“Vodovod i kanalizacija” d.o.o. Sarajevo, N/t. Direktor
4. Evidencija,
5. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1